

Universitätsbibliothek Paderborn

Mirabilis Vita Venerabilis Virginis Marinæ De Escobar Vallisoletanæ

Deprompta ex ijs, quæ ipsamet jussu Patrum suorum Spiritualium
consignavit

Vitæ Venerabilis Virginis Marinæ De Escobar. Pars Prima

Puente, Luis de la

Pragæ, 1672

Caput 8. De Mysterio Circumcisionis.

urn:nbn:de:hbz:466:1-38580

CAPVT VIII.

De Mysterio Circumcisionis.

Die Circumcisionis etiam est in spiritu ducta ad stabulum Bethlehemiticum, ut videret modum, quo fuit peractum id mysterium, cum quibusdam notabilibus circumstantijs, que abunde ostenderent ipso modo, quo illud manifestabant, DEUM esse hujus revelationis authorem. Non vidit, an Circumcisio fuerit celebrata in stabulo Bethlehemitico, sed solum, quod sit peracta, ipsius opinione, in quadam domo. Certum autem est, celebratam fuisse intrâ domum, in qua Dominus natus est, ut communiter ajunt Doctores; & forte est peracta in alia parte domus, quam stabulo.

§. I.

Postquam advenisset hoc Festum, anno 1597. summo manè expergefacta, inquit, reperi me in spiritu in stabulo Bethlehemitico coram sanctissima Virgine, tenente suum pretiosum Filium in brachijs, quem laetabat & contemplabatur cum magna afflictione suæ animæ; considerando acerbissimos dolores, quos ille benedictissimus Pupulus brevi erat perpeccutus, pro nostris peccatis, incipiens jam inde à die octavo explere officium Redemptoris, & profundere modicum pretiosi sui sanguinis, in pignus & signum illius copiosi, quem amore nostri erat profusus. Vidi quoque ex Matris oculis manantes lachrymas, instar pretiosarum margaritarum, quæ cadebant supra sanctum Parvulum: obambulabat ibi Sanctus Josephus, disponendo ea, quæ erant facienda pro Circumcisione. Ista omnia hinc mihi quidem cor præ dolore dilaniabant, inde verò me rubore suffundebant & pudescerent, expedientem gratias, quas mihi Dominus præstabat, ita ut, si Dominus permisisset, egressa fuisset ex stabulo: habebam enim ijs diebus in mea anima co-

gnitionem mei ipsius profundissimā, cum qua eram immersa in abyssum mearum misericordiarum, neque mihi suppeterent vices ad emergendum ex illa, vel comparendum coram Domino. Quocirca me subdux & quia habui caput vehementer fatigatum, volui modicum dormire. Cum autem quasi essem sopita, audivi vagientem sanctissimum Infantem JESUM, ideoque fui subito expergefacta, & vidi illum in brachijs suæ sanctissimæ Matris, jam enim fuerat cessatum à vulneranda ejus carne. Plorabat autem usque adeo, ut potuerit rumpere cor audientium, tremens, contrahensque se totum præ dolore, omnium agens, quæ ageret verus Infans, qualis erat. Sanctissima Virgo illum abstergit, & collegit admodum dolenter eas pretiosas guttas sanguinis, indutumque indufido, celeriter involvit, & porrexit illi ubera, ut ipsum pacaret: sed erat tantus dolor, quæ patiebatur sanctus Infans, ut vix vellet contingesere, vel lac fugere. Videns autem ego oculis animæ DEUM Infantem parvum, eo modo vulneratum, propter nostra peccata flentem, eram consternata, & stupebam ralem amorem, bonitatem, ac sapientiam, qualis in eo reucebat; aliunde verò fui repleta magno dolore, & sum illi compassa, quod ipsum viderem plorantem, ac patientem.

§. II.

Alio die Circumcisionis, auxit Dominus gratias: quia in mea recollectione, vidi coram me sanctissimam Virginem, quæ gestabat in suis brachijs suum pretiosum Filium depudatum, & speciosissimum, præditum vel imaginabili pulchritudine, qui in suo sacro collo portabat splendidissimum torqueum ex auro, & pretiosis lapidis, mire coruscantibus, ac tam magnum, ut illi protenderetur ad pectus & dorsum, unde mirum in modum exornabatur. Stu-

pent

pentij mihi, quod viderem benedictissimum Infantem taliter ornatum, neque scirem, quid significaret ille torques, dixit Dominus: Hæc sunt cimelia, & hæc divitiae, quas mihi Pater Eternus dedit, pro meis meritis, quæ ut homo habui, & specialiter nunc pro effusione modici illius mei sanguinis, quem die Circumcisionis profudi, ut ipsi obedirem, & salvarem homines. Postridie mane, in principio meæ orationis conspexi laetatissimam Virginem, & pretiosum ipsum Filium in ejusdem brachis, ornatum torque, quem videram pridie. Sed ego propter profundam cognitionem mei ipsius magis eram immersa abysso meæ vitalitatis, tremens præ magna verecundia & confusione, quod me viderem corā DEO, ac tales ab illo iulciperem gratias. Advertens me hoc modo constitutam Clementissima Virgo, & ostendens se dolere meas vices, dixit mihi: Noli te modo taliter gerere, aspice. Et ostendebat mihi suum pretiosum puerum formosum, ac divitem tuis maximis ac Divinis meritis. Intuebar illum, atque mea anima capiebat solatum ex ejus aspectu: sed non poteram egredi ex lacuna illa, cui eram immersa, & cum ista afflictione dixi sanctissimæ Virginis: Non possum, Domina, hinc emergere, neq; habeo vires ad id faciendum. Regina coeli mihi iterum idem dixit, addidique: Nisi facias, abibo, ac deseram te: quo dicto, subduxit se modicum ex oculis meæ animæ. Ego illam amore DEI rogavi, ut mihi ignosceret, neque me propterea derelinqueret, proponendo emendationem cum Divina gratia. Ostendit se mihi denuò Domina nostra, & positâ manu ad torqueum ac pectus sui Filii, mihi dixit: Bono animo esto, quia etiam tu es particeps meritorum hujus sanctissimi Infantis, & illa supplebunt tuos defectus: quæ verba magno me solatio affecerunt.

Alio die Circumcisionis illam duxit quidam Angelus in spiritu, & vidit hoc mystérium Circumcisionis, ac Sacerdotem, qui circumcidit sanctissimum Infantem, representans ipsius unguis, que acciderant, quando ipso fuit peractum.

¶ e) †(20)

§. III.

Alio denique tali die illi Parvulus *F*ESUS prestatit extmodinariam gratiā: Quia cū vacarem orationi, inquir, videbatur mihi in momento apertum esse cor per medium, quod considerans cum insitato stupore, intrā illud & suprà aureas litteras, quas ibi Dominus inscriperat, videlicet: *Hic hospitatur F*ESUS, vidi Christum Dominum, D^EUM ac Hominem: talem enim ipsum conspexi, & cognovi in specie Infantis parvuli jacentis, ac dormientis. Quo viso admirabunda dicebat mea anima suo D^EO: Quid est hoc, mi D^EUS? quid facis? quæ mysteria sunt ista? quid mihi ostendis ex magna misericordia? ita præ teneritudine colliquesbam. Dum autem adverterem Dominum dormientem, & quia mihi videbatur non expergesceri, novis incitata affectibus dicebam: Dormisne mi Domine? dormis? adhuc somno teneris? expergiscere Dilecte mi, expergiscere. Ecce, Domine, hostis est in campo, ut cruentum inferat bellum animabus, inter quas una est mea: expergiscere Domine, expergiscere, nō dormias. Ad has voces evigilavit Dominus, & amanter me alloquens, dixit mihi: Anima mea, nō timeas, dum me tecum habes, & sum in tuo corde. Ea anima, bono esto animo, quia etiamsi tibi videar dormire, ut sum homo, semper vigilo, ut sum D^EUS, noli metuere. Postquam hæc dixisset, fuit cor clausum, quod erat instar Paradisi, & instar Eucharistica Hierothecæ, exornata gemmis. Stupebat id mea anima, cogitans de eo, quod viderat, & ecce subito vidi secundò apertum cor meum ad eum modum, quo prius, atque in illius medio Christum Dominum, D^EUM ac Hominem yerum, non parvum Infantem, neque dormientem, sicut antecedenter, sed virum magnum & vigilantem, qualis erat dum versaretur in mundo, & hoc me multò majori stupore affecit, quam quod videram prius: quia videbam Dominum non jacentem, neque parvum, sed stante, ac magnum, quemadmodum dixi, & quia taliter occupabat quantus quantus est, il-

lum angustum locum mei cordis, quin ibidem esset contractus vel constrictus, sed gloriōsus & retinens suam staturam. Eram quasi afflita & turbata videndo meum. DEUM ac Dominum in ea specie intrâ meum cor, & me ipsam, ac si illum nunquam itâ vidissim, unâque eram confusa, & verecundabar, eò quod intuerer meum DEUM ac Dominum adeò mihi vicimum, atque itâ intrâ me existentem. Videns Divina Majestas, quod in mea anima fiebat, dixit illi gravi quodam, ac Divino modo: Quid miraris, Anima? quid itâ times, ac stipes? Ignorâsne meam magnitudinem, meam sapientiam, ac potentiam, quâ ex mea bonitate operor magna

mysteria pro utilitate animarum, & me non posse contrahi vel constringi à loco parvo vel arcto, sed nec dilatari a magno & spatio; siquidem ego sum Dominus absorbus omnium rerum, & univeris dispono pro meo beneplacito, ac libitu, ut me nihil possit adstringere ad suas leges? Quocirca Anima, quiete in me, neque turbetur cor tuum in meis mysterijs & operibus, quia omnia facio pro tuo majore bono & commodo, ac mea gloria. Quod dicto me replevit summo solatio, & cor meum denuo mysticè fuit clausum. Ego mirata sum ejusmodi opera Domini, & gratias illi egî pro omnibus. Ipse fit benedictus in æternum. Amen.

CAPUT IX. De Adoratione Regum.



Dmirabiliorēm gratiam as-
sequuta est à D E O die Epi-
phanie, quo pricipue cele-
brabatur adoratio Regum.
Sed exordiemur à minori-
bus.

§. I.

Hoc die, inquit, ante diluculum matutinum, me reperi in stabulo Bethlehemitico, sicut consueveram, cum sanctissima Virgine, & pretioso ipsius Filio, nec non Sancto Josepho, qui compositâ modicâ illâ supellectile, quam habebant, exciverat ignem, & accenderat pro illuminando stabulo quandam quasi assulam, seu particulam tæde, quæ suaviter lucebat, & sufficienter ad illustrandum eum locum. Virgo tenebat Infantem in suis brachijs, indutum solo indusiole nitidissimo ac delicatissimo, & tectum velo, quo cooperiebatur corpusculum. Animadvertis hoc modo à Virgine cum Sponso expectari Reges, quos jam à D E O intellexerant venturos, quamvis de hoc non loquerentur, sed ambo observarent sanctum silentium. Interea audivimus venientes ad

portam illius Atrij homines quasi ex itinere (dico autem, audivimus, quia etiam ego, quæ ibi in spiritu aderam, illos audiui) qui accedentes ad portam, incepserunt loqui, & conferre aliquantum clamosè: quævis autem non perciperentur verba, quæ dicebant sancti Reges, intelligebatur tamen, sermonem illis esse de stella, quæ steterat supra illud stabulum, & monstraverat ibi esse Regem ac Dominum, cuius querendi & adorandi gratia advenerant. Paulò post aperuerunt portam stabuli, & per illam ingressi iverunt rectâ ad sanctissimam Virginem, quæ sedebat, tenens suum pretiosum Filium in brachijs valde modestè & sanctè, atque animo usque adeò collecto, ut quamvis ingredierentur Reges, ipsam non viderem atollentem oculos ad eos aspiciendos. Venerunt sancti Reges ad sacratissimam Virginem, defixisq; humigenibus adoraverunt sanctissimum Infantem, & Regem ac Dominum nostrum, obtuleruntque illi sua munera. Postea se exerunt, & profundissimâ corporis inclinatione sunt reveriti Beatissimam Virginem, quæ etiam affurrexit, & illos venerata est, inclinando se coram illis. Tum se verterunt ad sanctum Josephum, quem si-